

傷寒集驗卷之三

臟結第七十八

秀水陳文治輯

門人劉德懋輯

臟結者乃臟氣閉結而不流布也其狀如結胸飲食如故時時自利舌上白胎臍痛引陰筋而不寒熱又云寒而不熱其人反靜謂之臟結蓋結胸者與陽相結故在胸臍結者與陰相結故在臍乃丹田有熱胸中有寒所以難治仲景謂病人脇下素有痞疾連在臍傍痛引小腹連及陰筋緣宿昔之積結於脇下爲痞今因傷寒邪氣入裏與痞相合使真臟之氣結而不通致連臍旁痛引小腹入陰筋而死仲景亦無治法但云舌上白胎者不可攻可刺關元仍

傷寒集驗卷之三

臟結第七十八

秀水陳文治輯

門人劉德懋輯

臟結者乃臟氣閉結而不流布也其狀如結胸飲食如故時時自利舌上白胎臍痛引陰筋而不寒熱又云寒而不熱其人反靜謂之臟結蓋結胸者與陽相結故在胸臍結者與陰相結故在臍乃丹田有熱胸中有寒所以難治仲景謂病人脇下素有痞疾連在臍傍痛引小腹連及陰筋緣宿昔之積結於脇下爲痞今因傷寒邪氣入裏與痞相合使真臟之氣結而不通致連臍旁痛引小腹入陰筋而死仲景亦無治法但云舌上白胎者不可攻可刺關元仍

與小柴胡湯或炙關元可以回陽而解蓋陰結之氣其證甚危司命者宜留心焉

口燥咽乾第七十九

邪熱內聚消耗津液故口爲之燥咽爲之乾也宜分別經絡治之若證屬陽明其邪在經而口燥咽乾熱邪迫血妄行得衄亦解宜犀角地黄湯若已入腑胸腹滿如狂口燥咽乾漱水不欲嚥此爲畜血宜桃仁承氣湯下之若陽明無大熱背微惡寒人參白虎湯少陽口苦咽乾小柴胡湯或雙解散少陰口燥咽乾而渴腎水將竭宜大承氣湯急下之若默默欲眠聲啞咽乾則係狐惑矣凡口乾燥忌汗汗之則重亡津液



渴第八十

附漱水不嚥

傷寒若在表則不渴逮至傳裏熱耗津液或汗利過多而氣血枯涸皆足以致渴但脉浮而渴者屬太陽有汗而渴者屬陽明自利而渴屬少陰若太陽無汗而渴宜小青龍去半夏加天花粉或小柴胡加朮棗仲景云傷寒脉浮發熱無汗其表不解不可與白虎若汗後脉洪而渴者宜與之陽明多汗而渴宜竹葉石膏湯若小便不利汗少脉浮而渴者宜五苓散便實者下之若先嘔後渴此爲欲解宜與水飲先渴後嘔爲水停心下赤茯苓湯若太陽證服桂枝湯大汗出而渴者人參白虎湯小水不利而渴者五苓散脉浮發熱小便不利而渴者猪苓湯太陽已汗復下胸

滿小便不利而渴往來寒熱心煩柴胡桂枝乾薑湯若脉
弦而渴小柴胡加天花粉若陽明有汗不大便而嘔舌上
白胎而渴及脇下滿手足溫而渴者小柴胡去半夏加人
參承氣湯若汗後脉洪大而渴白虎湯陽明脉長有汗發
熱而渴及汗下後表裏俱熱蒸之燥渴俱白虎加人參湯
若少陰舌乾口燥而渴尺寸脉俱沉遲四逆湯沉疾則大
承氣湯若身表涼脉沉細而虛者瀉心湯自利而渴小便
清白下焦寒也甘草乾薑湯咳而嘔不眠而渴小便不白
者猪苓湯汗多不可服自利純清水者大承氣湯下利飲
水有熱者白頭翁湯若厥陰病渴熱氣上衝心痛茯苓白
朮甘草四物湯消渴不食食則吐蛔者烏梅丸汗吐下後

津枯者白虎加參湯中暍手足冷汗出心煩而渴口乾舌燥四肢不收者人參白虎湯溫病而渴者栝蒌根湯陽消渴倍常者陷胸丸黑奴丸中暑伏熱累治不瘥發渴不已酒蒸黃連丸凡飲水而安睡者實熱也飲水而少頃即吐者火邪假渴耳皆不可恣飲須少飲之以潤胃氣恐變水結也亦有水入即吐者證名水逆又有發汗動右氣肺傷而致吐水者俱宜五苓散若脉熱而病在腎故渴而欲飲口乾舌焦黃赤晝夜飲而不止雖至腹脹尚無休歇目無精光者死又有水入口而不嚥者蓋經熱則口燥而煩欲水漱裏經寒則水入而不敢嚥若陽明證漱水不嚥身熱或微而惡寒乃熱在經而不在裏也必逼血上行爲衄

傷寒集驗 卷三
宜黃芩湯畜血證漱水不嚥外無寒熱喜忌如狂者宜犀
角地黃湯少陰證脉沉厥冷煩躁或乾嘔無脉好漱水而
不嚥者四逆湯白通湯主之蛔厥證煩躁吐蛔好以水浸
舌而不欲嚥者理中湯加烏梅

咽痛第八十一附腎傷寒

太陰絡咽少陰絡喉凡咽喉不利或痛或痒不能納食皆
毒氣上衝所致然有陰陽之別太陽病下之脉緊必咽痛
以太陽之邪搏於少陰也咽中生瘡不能言語聲不出者
苦酒湯陽厥宜下反發汗則咽痛口瘡赤爛升麻六物湯
咽中閉塞不可下烏扇湯陽毒發斑吐血咽痛者玄參升
麻湯此俱屬於陽也陰陽脉俱緊主無汗若有汗曰亡陽

法當咽痛少陰證也桔梗湯猪膚湯二便難者其桔湯加
玄參枳殼順導黑臭之物續以甘草生薑煎湯頻與之
解其毒或陶氏苓連湯至於非時暴寒伏於少陰經頭
腰痛脉微弱而咽痛次必下利古方書謂之腎傷寒此病
名人所罕知乃陰寒所致不可以寒藥攻惟宜半夏桂枝
湯下利者四逆湯下利不止手足冷咽痛無熱證者四順
丸少陰腹痛脉沉細猶有熱者必咽痛黃連龍骨湯厥逆
吐膿血者升麻六物湯若脉浮遲厥冷或下利亦屬少陰
並不可汗下用桔梗湯猪膚湯甚者半夏散通脉四逆湯
去芍藥加桔梗汗不止藁本粉撲之若寸脉沉遲尺脉不
至唾膿血而手足厥利不止者難治宜麻黃升麻湯

氣逆第八十二

氣逆者一則太陽誤下表邪傳裏裏不受邪則氣逆上邪在表當汗之以桂枝湯一則厥陰客熱逆而上衝其邪在裏當下之以大柴胡湯胸滿實者吐之汗下後氣逆眩暈者茯苓桂朮甘草湯若病人虛羸少氣脈緩而氣逆上衝欲吐者竹葉石膏湯又有動氣因發汗而氣上者李根湯此二者乃正氣虛而邪氣逆臨證者須伺以得之

短氣第八十三

短氣者呼吸不相接續似喘非喘也經曰微虛相搏則爲短氣短氣不足以息者實少氣不足以息者危若心腹脹滿而短氣者邪在裏而爲實宜以承氣湯下之若心腹濡

滿而短氣者邪在表而爲虛宜以桂枝湯解之若食少飲
多水停心下短氣者小半夏湯風濕相搏汗出短氣小便
不利惡風不欲去衣邪氣在表甘草附子湯太陽誤下短
氣懊憹煩躁則爲結胸矣治在本條

動氣第八十四

動氣者乃病人先有痞氣而不明言誤用汗吐下之法致
動其氣陶節庵謂臟氣不調不在脉之可見必在問證之
可得也其狀似痛非痛按之則痛在臍之左右上下肌肉
之間築築然跳動以手探之方得其真大忌汗下舊法以
行氣散熱爲主用保命四氣湯陶節庵通用理中湯去白
朮加桂緣朮能燥鬱閉氣桂可洩腎之積云耳若動在臍

左者肝之外證也誤汗之則頭眩汗不止筋惕肉瞤爲逆
已近於危宜用防風白朮牡蠣湯汗止小建中湯誤下之
則腹裡拘急食不能下其病反劇雖熱欲蹠先甘草乾薑
湯後小建中湯若動在臍右者肺之外證也誤汗之則血
而渴心苦煩飲水即吐先五苓散後竹葉湯誤下之則津
液內竭咽燥鼻乾頭眩心悸竹葉石膏湯若動在臍上心
之外證也誤汗之則上衝於心宜李根湯誤下之則掌心
煩熱汗泄欲水竹葉石膏湯若動在臍下者腎之外證也
誤汗之則心中大煩骨節苦疼惡寒目暈食下即吐大橘
皮湯小建中湯誤下之腹滿下利清穀心痞甘草瀉心湯
當臍而動者脾之外證也酌量用藥自無不當矣

奔豚氣第八十五

奔豚氣者病人素有腎積值熱邪併注下焦以致發動上衝於心如豚奔走之狀或因燒鍼致傷腎氣逆而上衝其脉沉緊其氣逆滿仲景所謂動氣在下不可汗汗之則動經若身振動搖者茯苓桂甘白朮湯若汗後臍下悸氣上逆者茯苓桂甘大棗湯若燒鍼致傷腎氣上衝者桂枝加桂湯若太陽下後腎氣上衝者桂枝湯此證多用桂者以桂能泄腎積茯苓能伐腎邪也

咳嗽第八十六

肺居清虛之位主持諸氣若爲風寒濕熱之侵痰飲濁氣所侮逆而不下咳嗽乃生其所因當分風寒熱濕燥火故

或爲胸中停飲或爲痰氣衝逆或感非時風寒其在傷寒
有太陽表未解復挾水氣以嗽有陽明汗後傷水而嗽有
少陽寒熱往來胸滿嘔逆而嗽有少陰下利厥逆而嗽治
之有宜溫宜清宜汗宜下以別之陶節庵用小青龍湯治
水飲與表寒相合而嗽用十棗湯治太陽之裏水有癖而
嗽用真武湯治水飲與裏寒相合而嗽用小青龍湯治陽
邪傳裏動肺而咳用四逆散治陰邪傳裏動肺而咳蓋表
寒裏寒挾水飲則必動肺陽邪陰邪傳至裏亦必動肺固
當以發散爲可然又有不可發汗者仲景曰咳而小便利
者不可汗汗則四肢厥又曰咳而發汗踈而苦滿腹中復
堅脉散者爲心火刑肺金其勢必危矣若太陽表未解心

下有水氣乾嘔發熱而嗽小青龍湯若汗後傷水嗽而喘者小青龍去麻黃加杏仁湯若發熱嘔逆而嗽者小柴胡湯若陽明腹滿脉浮弦潮熱嗜卧脇痛鼻乾小便難而咳嗽此謂之陽明中風小柴胡湯若少陽寒熱往來胸脇滿或泄利而咳嗽小柴胡去人參大棗加五味子乾薑湯主之若嘔渴而嗽心煩不得眠猪苓湯但有痰而嗽大半夏湯若少陰或咳或悸小便不利四逆散四肢厥逆腹溏泄而咳四逆散加五味子乾薑四肢沉重疼痛小便不利或自利此爲有水氣其人或咳真武湯加五味子乾薑細辛

欬逆第八十七

欬逆者仲景謂之飮世俗謂之呃又名吃忒其聲發於喉

而無餘音頭亦少動是也無病人及小兒常有此聲有因汗下過多胃氣成虛或與水飲水寒相搏而成其脉沉遲其證厥逆泄利乃寒氣鬱塞胃氣不伸之故法當溫之更灸期門即止脉散者不治亦有因火熱內鬱衝逆而上不得伸越而成其脉必洪數乃下焦相火挾邪熱而升當開導其火則已若專以爲寒而無分別豈不誤哉凡屬寒者若脉細則胃有寒而欬逆橘皮半夏生薑湯若胸滿虛煩不安而欬逆大橘皮湯若脉沉遲手足厥冷胃寒欬逆理中湯或橘皮乾薑湯寒厥甚者羌活附子湯若水寒相搏而欬逆小青龍去麻黃加附子湯手足厥冷者小橘皮湯胸滿虛煩者大橘皮湯凡屬熱者少陽脉弦急發熱胸滿

欬逆小柴胡加竹茹湯若潮熱小便難欬逆小柴胡加茯苓湯若發熱欬逆小便不利猪苓湯若潮熱脉沉實大便難欬逆調胃承氣湯若脉浮洪或有熱證熱邪炎上肺不得納而欬逆甘草瀉心湯陽明身熱口渴胸滿煩躁脉洪數欬逆者火衝肺也亦甘草瀉心湯少陰失下大便難欬逆小承氣湯大凡欬逆藥中陳皮竹茹薑汁爲必用有欲作正汗陰陽升降而然者即愈若欬逆而有頭汗譫語腹滿微喘此爲死證惟有多期門之法及以硫黃乳香各等分爲末在病榻前以酒煎熬令病人聞之然亦十死七八也有因食積而致欬逆小便閉澀及痰火上衝或腹滿不得小便及脉見沉微散者死

乾嘔第八十八

嘔之無物者爲乾嘔因邪在胃脘裏氣不和既不能納又不能出或熱或寒與穀氣相併上薰於心而致嘔焉食不能納者黃連解毒湯若太陽自汗頭疼身熱乾嘔風邪上壅也桂枝湯若太陽表不解心下有水氣身熱乾嘔微喘或自利小青龍湯太陽陽明合病不下利而但嘔或乾嘔者裏實氣逆上而不下也葛根湯身涼惡寒脇痛而利乾嘔及胃熱乾嘔俱十棗湯胃寒津枯乾嘔渴者理中湯若少陰下利乾嘔薑附湯脉微者白通湯若少陰下利裏寒外熱脉微欲絕乾嘔通脉四逆湯若下利不止厥逆無脉乾嘔白通加猪膽汁湯若厥陰嘔而有涎沫頭痛者吳茱